

दिनांक 21.01.2025

समय: 18.45 बजे

- केन्द्रीय नवीकरणीय ऊर्जा मंत्री प्रल्हाद जोशी अक्षय ऊर्जा उत्पादन, बरस 2030 ताणी 500 गीगावॉट ताई बढ़ाबा री प्रतिबद्धता दोहराई-जयपुर मांय क्षेत्रीय समीक्षा बैठक मांय भाग लिना।
- लोकसभा अध्यक्ष ओम बिरला विधायी निकायां ने बेहतर अर गुणवत्तापूर्ण बहस री ठौड बणावा माथे जोर दिया।
- केन्द्रीय गृह सचिव गोविन्द मोहन तीन नुवां आपराधिक कानूनां री राज्य मांय एस.ओ.पी. अर एडवाइजरी री सौ फीसदी पालना रा निर्देश दिया।
- शिक्षा मंत्री मदन दिलावर कह्या-पेपरलीक री घटनावां मांय में शामिल लोगां ने बखशीयो नी जावेला।

000

केन्द्रीय नवीन अर नवीकरणीय ऊर्जा मंत्री प्रल्हाद जोशी कह्या के देश री ऊर्जा खपत अर मांग मांय लगातार बढ़ोतरी व्हे री है। श्री जोशी कह्या के आवता कुछेंक बरसा मांय आं दुगणी व्हे सके है। केन्द्रीय मंत्री री अगुवाई मांय आज जयपुर मांय नवीन अर नवीकरणीय ऊर्जा मंत्रालय री क्षेत्रीय समीक्षा बैठक व्ही। इण दौरान श्री जोशी ऊर्जा हलका री प्रगति, चुनौतियां अर भावी योजनावां माथे चर्चा करी। वे कह्या के बरस 2030 ताई 500 गीगा वॉट रिन्यूएबल एनर्जी रो लगस पूरो कराबा खातर पूरी कोशिश करी जा रही है।।

.....

मुख्यमंत्री भजनलाल शर्मा कार्यक्रम ने संबोधित करता थकां कह्या के राजस्थान मांय अक्षय ऊर्जा रा हलका मांय घणो काम कर्यो जा रह्यो है। श्री शर्मा कह्यो के आवण वाळां टेम मांय राज्य ऊर्जा रा हलका मांय आत्मनिर्भर बणेला। वणा नवीकरणीय ऊर्जा रा खेतर मांय राज्य री उपलब्धियां रो जिक्र कर्या।

.....

मुख्यमंत्री श्री शर्मा ने केन्द्र सरकार से पीएम कुसुम 2.0 की शुरुआत करने का आग्रह किया। क्षेत्रीय समीक्षा बैठक मांय केन्द्रीय नवीन अर नवीकरणीय ऊर्जा राज्यमंत्री श्रीपद यशोनाइक अर राजस्थान रा ऊर्जा मंत्री हीरालाल नागर भी शामिल है। इण रे अलावा जम्मू-कश्मीर, हिमाचल प्रदेश, पंजाब, हरियाणा अर उत्तराखण्ड समेत न्यारा-न्यारा राज्यां रा नुमाइन्दा भी भाग लीना।

000

लोकसभा अध्यक्ष ओम बिरला विधायी निकायां ने बेहतर बहस अर चर्चा री ठौड बणावा माथे जोर दिया है। पटना मांय आज अखिल भारतीय पीठासीन अधिकारियां रा 85 वां सम्मेलन रा समापन सत्र ने संबोधित करता थकां श्री बिरला कह्या के सगळा प्रतिनिधी संवाद अर बहस ने बढ़ावो देबा रो संकल्प लियो है। लोकसभा अध्यक्ष कह्या के पीठासीन अधिकारी लोगां री बेहतर सेवा करबा अर वां री उम्मीदां माथे खरो उतरबा खातर नई तकनीक अर कौशल ने अपणावा माथे जोर दिया।

000

माली बरस 2025-26 रा बजट खातर राज्य सरकार केई समूहां रे सागे लगातार प्री बजट बैठकां कर री है। इणी कड़ी मांय मुख्यमंत्री भजनलाल शर्मा आज युवा अर खेल हलका रा नुमाइन्दा रे सागे चर्चा करी। मुख्यमंत्री कार्यालय मांय भी इण बैठक रे दौरान खेलां मांय प्रतिभा पहचान, प्रोत्साहन, रोजगार सृजन अर आधारभूत विकास माथे चर्चा करी। बैठक मांय युवा मामलां अर खेल मंत्री राज्यवर्द्धन राठौड़ अर राज्यमंत्री के.के. विश्नोई मौजूद रह्या।

000

मुख्यमंत्री भजनलाल शर्मा ने आज जयपुर रा सवाईमानसिंह सफाखाना मांय भर्ती विधानसभा अध्यक्ष वासुदेव देवनानी सूं मिल र वां रा स्वास्थ्य री जाणकारी ली। चिकित्सा मंत्री गजेन्द्र सिंह खींवर

भी सफाखाना पूरा श्री देवनानी रा हालचाल जाण्यो। श्री खीवसर एस.एम.एस. मेडिकल कॉलेज रा प्रधानाचार्य डॉ. दीपक माहेश्वरी अर दूजा आलाडॉक्टरां सूं श्री देवनानी रा स्वास्थ्य बाबत चर्चा करी। विधानसभा अध्यक्ष काल पटना मांय राख्या अखिल भारतीय पीठासीन अधिकारियां रा सम्मेलन मांय भाग ले रह्या हा, इण दौरान अचानक वां री तबीयत बिगड़गी, जिण रे पछे वां ने पटना मेडिकल कॉलेज अर सफखाना मांय भर्ती करायो गयो। इण रे पाछे वां ने देर रात जयपुर लायो गयो।

000

केन्द्रीय गृह सचिव गोविन्द मोहन राज्य मांय तीन नुवां आपराधिक कानूनां री एस.ओ.पी. अर एडवाइजरी री सौ फीसदी पालना करबा रा निर्देश दिया। श्री मोहन आज जयपुर मांय इण कानूनां री राज्य मांय क्रियान्विती री समीक्षा करी। ये तीन नुवां आपराधिक कानून भारतीय न्याय संहिता, 2023, भारतीय नागरिक सुरक्षा संहिता अर भारतीय साक्ष्य अधिनियम-2023 है। केन्द्रीय गृह सचिव कह्या के पॉक्सो अर कम टेम री सजा वाळां मामला मांय 60 दिन अर जघन्य अपराधां मांय 90 दिन रे भीतर चार्ज शीट दाखिल करी जावे।

केन्द्रीय गृह सचिव कह्या के सगळा पुलिस कामगारां, फारेंसिक, स्वास्थ्य अर शिक्षा कार्मियां ने इण कानूनां रा प्रावधानां रो प्रशिक्षण तैय मियाद मांय दिलाणो पक्को कर्यो जावे। बैठक मांय बतायो गयो के ई-अभियोजन मांय राज्य देशभर मांय पैली ठोर माथे रह्यो। राज्य रा 70 फीसदी पुलिस बल ने नुवां कानूनां बाबत प्रशिक्षण दियो गयो है। बैठक मांय मुख्य सचिव सुधांश पंत अर पुलिस महानिदेशक यू.आर. साहू अर गृह विभाग रा न्यारा मुख्य सचिव आनंद कुमार भी भाग लिना।

000

शिक्षा मंत्री मदन दिलावर आज जयपुर शिक्षा समिट-2025 मांय भाग लीना। शिक्षा मंत्री कार्यक्रम मांय राज्य री शैक्षिक व्यवस्था अर शिक्षा रा न्यारा-न्यारा मौका माथे प्रतिभागियां सूं चर्चा करी। इण दौरान वणा पढ़णियां रा सवालां रा जवाब भी दिया। श्री दिलावर कौशल विकास अर रोजगार देवावाळी शिक्षा रा महत्व माथे खास जोर दिया। खबरनवीसा सूं बातचीत मांय शिक्षा मंत्री कह्या के लारली सरकार मांय व्ही पेपरलीक री घटनावां सूं लाखो पढ़नियां रो भविष्य खराब व्ह्यो है। वे कह्या के पेपरलीक मांय शामिल लोगां ने बख्शा नी जावेला।

000

राज्य मांय मिनरल ब्लॉकां री पूरी नीलामी प्रक्रिया खान मेहकमां रा स्तर माथे करी जा री है। कोणार्क मांय खान मंत्रियां री राष्ट्रीय संगोष्ठी रा दूजा दिन आज राजस्थान रा खान मेहकमां रा प्रमुख शासन सचिव टी. रविकांत या बात कही। वणा राज्य री सबूड चौखी खनन नीतियां ने सांझा कर्या। वे बताया के राज्य मांय मिनरल्स री नीलामी रे पछे भी चावती जाणकारी अर दूजी जरूरी सेवावां खातर एक खास सुविधा केन्द्र बणायो गयो है।

श्री रविकांत बताया के दूजा प्रदेशां मांय थर्ड पार्टी री कानी ऊं ऑक्शन प्रक्रिया पूरी करी जावे है।

000

बेटी बचाओ बेटी पढ़ाओ योजना रा काल दस बरस पूरा व्हे रह्या है। महिला अर बाल विकास मंत्रालय कह्यो के इण 10वीं वर्षगांठ रा कार्यक्रम काल सूं सरू व्हेला, जो अंतर्राष्ट्रीय महिला दिवस आठ मार्च ताई चालेला। काल नई दिल्ली मांय भी ईण मौके कार्यक्रम कर्या जा रह्या है। इण मांय सशस्त्र बल, अर्धसैनिक बल, पुलिस री महिला अधिकारी, छात्रावां अर आंगनबाड़ी कार्यकर्ता भाग लेवेला। प्रधानमंत्री नरेन्द्र मोदी देश मांय लैंगिक असंतुलन अर घटता बाल लिंग अनुपात रा गंभीर मुद्दा माथे बरस 2015 मांय हरियाणा रा पानीपत सूं बेटी बचाओ बेटी पढ़ाओ योजना री शुरुआत करी ही।

अठिने पाली मांय बेटी बचाओ बेटी पढ़ाओ योजना मांय चलाए जा रह्या राजस्थान मरू उड़ान कार्यक्रम रे तैत वित्तीय प्रबंधन कार्यशाला व्ही। इण मांय महिलावां अर टबरियां ने न्यारा-न्यारा कौशल प्रशिक्षण अर स्वरोजगार योजनावां रा बारा मांय बतायो गयो।

000

प्रदेश मांय पशुपालकां खातर चलायी जा री मुख्यमंत्री मंगला पशु बीमा योजना मांय काल 22 जनवरी ताई आवेदन दिया जा सकेला। योजना रे जरिये जिनावरां रो बीमो करवायो जा सके है।

सरकारी री चालू माली बरस री बजट घोषणा रे मुजब गाय, भैंस अर ऊंट खातर 40 हजार रूप्या रा बीमा मिलेला। इण योजना मांय 400 करोड़ रूप्या रो प्रावधान कर्यो ग्यो है। पशुपालन मंत्री जोराराम कुमावत पशुपालकां सूं वां रा जिनावरां रो बीमा कराबा री अरज करी।

.....

000

जयपुर मांय काल सड़क सुरक्षा रा बारा मांय क्षमता संवर्धन प्रशिक्षण कार्यक्रम व्हेला। राजस्थान पुलिस अकादमी रा निदेशक एस. सेंगाधिर बताया के इण रे तैत सड़क हादसां मांय कमी लाबा, यातायात व्यवस्था ने सुगम अर सुरक्षित बणावा रे सागे ही सड़क सुरक्षा नियमां माथे चर्चा करी जावेला।

000